

本草纲目



文化
百科
丛书

宋涛主编



上海出版社


本 子 纲 目

貳

文化
百科
丛书

主
编
宋
涛

辽
海
出
版
社



本草纲目第九卷石部目录

石之三(石类上三十二种)

丹砂本经
水银本经
水银粉嘉祐(即轻粉)
粉霜纲目
银朱纲目
灵砂证类
雄黄本经
雌黄本经
石膏本经(即寒水石)玉火石、龙石膏附
理石本经 白肌石附
长石本经
方解石别录
滑石本经
不灰木开宝 松石附
五色石脂本经

桃花石唐本
炉甘石纲目
井泉石嘉祐
无名异开宝
蜜栗子纲目
石钟乳本经
孔公孽本经
殷孽本经 石床、石花、石骨附
土殷孽别录
石脑别录
石髓拾遗
石脑油嘉祐 地溲附
石炭纲目 然石附
石灰本经
石面纲目
浮石日华 晕石附
石芝纲目
上附方旧六十九,新三百一十七

本草纲目第九卷石部

石之二(石类上三十二种)

丹砂(本经上品)

【释名】朱砂〔时珍曰〕丹乃石名,其字从井中一点,象丹在井中之形,义出许慎说文。后人以丹为朱色之名,故呼朱砂。

【集解】〔别录曰〕丹砂生符陵山谷,采无时。光色如云母可拆者良,作末名真朱。〔弘景曰〕即今朱砂也。俗医别取武都仇池雄黄夹雌黄者,名为丹砂用之,谬矣。符陵是涪州接巴郡南,今无复采者。乃出武陵、西川诸蛮夷中,皆通属巴地,故谓之巴砂。仙经亦用越砂,即出广州临漳者。此二处并好,惟须光明莹澈为佳。如云母片者,谓之云母砂。如樗蒲子、紫石英形者,谓之马齿砂,亦好。如大小豆及大块圆滑者,谓之豆砂。细末碎者,谓之末砂。此二种粗,不入药用,但可画用尔。朱砂皆凿坎人数丈许。虽同出一郡县,亦有好恶。地有水井,胜火井也。仙方炼饵,最为长生之宝。〔恭曰〕丹砂大略二种,有土砂、石砂。其土砂,复有块砂、末砂,体并重而色黄黑,不任画,用疗疮疥亦好,但不入心腹之药,然可烧之,出水银乃多也。其石砂有十数品:最上者为光明砂,云一颗别生一石龕内,大者如鸡卵,小者如枣栗,形似芙蓉,破之如云母,光明照彻,在龕中石台上生,得此者带之辟恶,为上。其次或出石中,或出水内,形块大者如拇指,小者如杏仁,光明无杂,名马牙砂,一名无重砂,入药及画俱善,俗间亦少有之。其磨簏新井、别井、水井、火井、芙蓉、石末、石堆、豆末等砂,形类颇相似。入药及画,当择去其杂土石,便可用矣。别有越砂,大者如拳、小者如鸡鸭卵,形虽大,其杂土石,不如细而明净者。经言末之名真朱者,谬矣,岂有一物以全末殊名乎?〔教曰〕砂凡百等,不可一一论。有妙硫

砂,如拳许大,或重一鎰,有十四面,面如镜,若遇阴沉天雨,即镜面上有红浆汁出。有梅柏砂,如梅子许大,夜有光生,照见一室。有白庭砂,如帝珠子许大,面上有小星现。有神座砂、金座砂、玉座砂,不经丹灶,服之而自延寿命。次有白金砂、澄水砂、阴成砂、辰锦砂、芙蓉砂、镜面砂、箭簇砂、曹末砂、土砂、金星砂、平面砂、神末砂等,不可一一细述也。〔颂曰〕今出辰州、宜州、阶州,而辰砂为最。生深山石崖间,土人采之,穴地数十丈始见其苗,乃白石,谓之朱矿床。砂生石上,其大块者如鸡子,小者如石榴子,状若芙蓉头,箭簇,连床者紫黯若铁色,而光明莹澈,碎之崭岩作墙壁,又似云母片可拆者,真辰砂也,无石者弥佳。过此皆淘土石中得之,非生于石床者。宜砂绝有大块者,碎之亦作墙壁,但罕有类物状,而色亦深赤,为用不及辰砂,盖出土石间,非白石床所生也。然近宜州邻地春州、融州皆有砂,故其水尽赤。每烟雾郁蒸之气,亦赤黄色,土人谓之朱砂气,尤能作瘴疠为人患也。阶砂又次之,不堪入药,惟可画色尔。凡砂之绝好者,为光明砂,其次谓之颗块,其次谓之鹿簏,其下谓之末砂。惟光明砂入药,余并不用。〔宗奭曰〕丹砂今人谓之朱砂。辰州砂多出蛮峒锦州界猿猱峒老鸦井。其井深广数十丈,先聚薪于井焚之。其青石壁迸裂处,即有小龕。龕中自有白石床,其石如玉。床上乃生砂,小者如箭簇,大者如芙蓉,光明可鉴,研之鲜红,砂泊床大者重七八两至十两。晃州所出形如箭簇带石者,得自土中,非此比也。〔承曰〕金州、商州亦出一种砂,色微黄,作土气,陕西、河东、河北、汴东、汴西并以入药,长安、蜀州研以代银朱作漆器。又信州近年出一种砂,极有大者,光芒墙壁,略类宜州所产。然有砒气,破之多作生砒色。若入药用,见火恐杀人。今浙中市肆往往货之,不可不审。〔时珍曰〕丹砂以辰、锦者为最。麻阳即古锦州地。佳者为箭簇砂,结不实者为肺砂,细者为末砂。色紫不染纸者为旧坑砂,为上品;色鲜染纸者为新坑砂,次之。苏

颂、陈承所谓阶州、金、商州砂者，乃陶弘景所谓武都雄黄，非丹砂也。范成大桂海志云：本草以辰砂为上，宜砂次之。然宜州出砂处，与湖北大牙山相连。北为辰砂，南为宜砂，地脉不殊，无甚分别，老者亦出白石床上。苏颂乃云：宜砂出土石间，非石床所生，是未识此也。别有一种色红质嫩者，名土坑砂，乃土石间者，不甚耐火。邕州亦有砂，大者数十、百两，作块黑暗，少墙壁，不堪入药，惟以烧取水银。颂云融州亦有，今融州元砂，乃邕州之讹也。臞仙庚辛玉册云：丹砂石以五溪山峒中产者，得正南之气为上。麻阳诸山与五溪相接者，次之。云南、波斯、西胡砂，并光洁可用。柳州一种砂，全似辰砂，惟块圆如皂角子，不入药用。商州、黔州土丹砂，宣、信州砂，皆内含毒气及金银铜铅气，不可服。张果丹砂要诀云：丹砂者，万灵之主，居之南方。或赤龙以建号，或朱鸟以为名。上品生于辰、锦州石穴，中品生于交、桂，下品生于衡、邵。各有数种，清浊体异，真伪不同。辰、锦上品砂，生白石床之上，十二枚为一座，色如未开莲花，光明耀日。亦有九枚为一座。七枚、五枚者次之。每座中有大者为主，四围小者为臣朝护，四面杂砂一二斗抱之。中有芙蓉头成颗者，亦入上品。又有如马牙光明者，为上品；白光若云母，为中品。又有紫灵砂，圆长似笋而红紫，为上品；石片棱角生青光，为下品。交、桂所出，但是座上及打石得，形似芙蓉头面光明者，亦入上品；颗粒而通明者，为中品；片段不明澈者，为下品。衡、邵所出，虽是紫砂，得之砂石中者，亦下品也。有溪砂，生溪州砂石之中；土砂，生土穴之中，土石相杂，故不入上品，不可服饵。唐李德裕黄冶论云：光明砂者，天地自然之宝，在石室之间，生雪床之上。如初生芙蓉，红苞未拆。细者环拱，大者处中，有辰居之象，有君臣之位。光明外澈，采之者，寻石脉而求，此造化之所铸也。〔土宿真君曰〕丹砂受青阳之气，始生矿石，二百年成丹砂而青女孕，又二百年而成铅，又二百成银，又二百年复得太和之气，化而为金，故诸金皆不若丹砂金为上也。

【修治】〔敦曰〕凡修事朱砂，静室焚香斋沐后，取砂以香水浴过，拭干，碎捣之，钵中更研三伏时。取一瓷锅子，每朱砂一两，用甘草二两，紫背天葵一镞，五方草一镞，着砂上，以东流水煮三伏时，勿令水阙。去药，以东流水淘净干

熬，又研如粉。用小瓷瓶入青芝草、山须草半两盖之，下十斤火煅，从巳至午方歇，候冷取出，细研用。如要服，则以熬蜜丸细麻子大，空腹服一丸。〔时珍曰〕今法惟取好砂研末，以流水飞三次，用其末。砂多杂石末、铁屑，不堪入药。又法：以绢袋盛砂，用荞麦灰淋汁，煮三伏时取出，流水浸洗过，研粉飞晒用。又丹砂以石胆、消石和埋土中，可化为水。

【气味】甘，微寒，无毒。〔普曰〕神农：甘。岐伯：苦，有毒。扁鹊：苦。李当之：大寒。〔权曰〕有大毒。〔大明曰〕凉，微毒。〔之才曰〕恶磁石，畏碱水，忌一切血。〔时珍曰〕丹砂，别录云无毒，岐伯、甄权言有毒，似相矛盾。按何孟春余冬录云：丹砂性寒而无毒，人火则热而有毒，能杀人，物性逐火而变。此说是也。丹砂之畏慈石、碱水者，水克火也。〔敦曰〕铁遇神砂，如泥似粉。〔土宿真君曰〕丹砂用阴地厥、地骨皮、车前草、马鞭草、皂荚、石韦、决明、瞿麦、南星、白附子、乌头、三角酸、藕荷、桑椹、地榆、紫河车、地丁，皆可伏制。而金公以砂为子，有相生之道，可变化。

【主治】身体五脏百病，养精神，安魂魄，益气明目，杀精魅邪恶鬼。久服通神明不老。能化为汞。本经。通血脉，止烦满消渴，益精神，悦泽人面，除中恶腹痛，毒气疥癬诸疮。轻身神仙。别录。镇心，主尸疰抽风。甄权。润心肺，治疮痂息肉，并涂之。大明。治惊痫，解胎毒痘毒，驱邪疰，能发汗。时珍。

【发明】〔保升曰〕朱砂法火色赤而主心。〔杲曰〕丹砂纯阴，纳浮溜之火而安神，凡心热者非此不能除。〔好古曰〕乃心经血分主药，主命门有余。〔青霞子曰〕丹砂外包八石，内含金精，禀气于甲，受气于丙，出路见壬，结块成庚，增光归戊，阴阳升降，各本其原，自然不死。若以气衰血败，体竭骨枯，八石之功，稍能添益。若欲长生久视，保命安神，须饵丹砂。且丹石见火，悉成灰烬；丹砂伏火，化为黄银。能重能轻，能神能云，黄①黑能白，能暗能明。一斛人擎，力难升举；万斤遇火，轻速上腾。鬼神寻求，莫知所在。〔时珍曰〕丹砂生于炎方，禀离火之气而成，体阳而性阴，故外显丹色而内含真汞。其

① 黄：《政和本草》丹砂条作“能”。

气不热而寒,离中有阴也。其味不苦而甘,火中有土也。是以同远志、龙骨之类,则养心气;同当归、丹参之类,则养心血;同枸杞、地黄之类,则养肾;同厚朴、川椒之类,则养脾;同南星、川乌之类,则祛风。可以明目,可以安胎,可以解毒,可以发汗,随佐使而见功,无所往而不可。夏子益奇疾方云:凡人自觉本形作两人,并行并卧,不辨真假者,离魂病也。用辰砂、人参、茯苓,浓煎日饮,真者气爽,假者化也。类编云:钱丕少卿夜多恶梦,通宵不寐,自虑非吉。遇邓州推官胡用之曰:昔常如此。有道士教载辰砂如箭簇者,涉旬即验,四五年不复有梦。因解髻中一绦囊遗之。即夕无梦,神魂安静。道书谓丹砂辟恶安魂,观此二事可征矣。〔抱朴子曰〕临沅县廖氏家,世世寿考。后徙去,子孙多夭折。他人居其故宅,复多寿考。疑其井水赤,乃掘之,得古人埋丹砂数十斛也。饮此水而得寿,况炼服者乎?〔颂曰〕郑康成注周礼,以丹砂、石胆、雄黄、矾石、慈石为五毒。古人惟以攻疮疡,而本经以丹砂为无毒,故多炼治服食,鲜有不为药患者,岂五毒之说胜乎?当以为戒。〔宗奭曰〕朱砂镇养心神,但宜生使。若炼服,少有不作疾者。一医疾,服伏火者数粒,一旦大热,数夕而毙。沈存中云:表兄李胜炼朱砂为丹,岁余,沐浴再入鼎,误遗一块。其徒丸服之,遂发憎冒,一夕而毙。夫生朱砂,初生小儿便可服;因火力所变,遂能杀人,不可不谨。〔陈文中曰〕小儿初生,便服朱砂、轻粉、白蜜、黄连水,欲下胎毒。此皆伤脾败阳之药,轻粉下痰损心,朱砂下涎损神,儿实者服之软弱,弱者服之易伤,变生诸病也。〔时珍曰〕叶石林避暑录载:林彦振、谢任伯皆服伏火丹砂,俱病脑疽死。张杲医说载:张慤服食丹砂,病中消数年,发鬓疽而死。皆可为服丹之戒。而周密野语载:临川周推官乎生孱弱,多服丹砂、乌、附药,晚年发背疽。医悉归罪丹石,服解毒药不效。疡医老祝诊脉曰:此乃极阴证,正当多服伏火丹砂及三建汤。乃用小剂试之,复作大剂,三日后用膏敷贴,半月而疮平,凡服三建汤一百五十服。此又与前诸说异。盖人之脏腑禀受万殊,在智者辨其阴阳脉证,不以先入为主。非妙人精微者,不能企此。

【附方】旧八,新二十六。服食丹砂三皇真人炼丹方:丹砂一斤,研末重筛,以醇酒沃之如

泥状,盛以铜盘,置高阁上,勿令妇女见。燥则复以酒沃,令如泥,阴雨疾风则藏之。尽酒三斗,乃爆之,三百日当紫色。斋戒沐浴七日,静室饭丸麻子大,常以平旦向日吞三丸。一月三虫出,半年诸病瘥,一年须发黑,三年神人至。太上玄变经。小神丹方真丹末三斤,白蜜六斤,搅合日曝,至可丸,丸麻子大,每旦服十丸。一年白发反黑,齿落更生,身体润泽,老翁成少。抱朴子内编。明目轻身去三尸,除疮癰,美酒五升,浸朱砂五两,五宿,日干研末,蜜丸小豆大。每服二十丸,白汤下,久服见效。卫生易简方。神注丹方白茯苓四两,糯米酒煮,软竹刀切片,阴干为末,入朱砂末二钱,以乳香水打糊丸梧子大,朱砂末二钱为衣。阳日二丸,阴日一丸。要秘精,新汲水下;要逆气过精,温酒下。并空心。王好古医垒元戎。乌髭变白小雌鸡二只,只与乌油麻一件同水饲之。放卵时,收取先放者打窍,以朱砂末填入糊定,同众卵抱出鸡取出,其药自然结实,研粉,蒸饼和丸绿豆大。每酒下五七丸。不惟变白,亦且愈疾。张潞方。小儿初生六日,解胎毒,温肠胃,壮气血。朱砂豆大,细研,蜜一枣大,调与吮之,一日令尽。姚和众至宝方。预解痘毒初发时或未出时。以朱砂末半钱,蜜水调服。多者可少,少者可无。重者可轻也。丹溪方。初生儿惊月内惊风欲死,朱砂磨新汲水涂五心,最验。斗门方。小儿惊热夜卧多啼,朱砂半两,牛黄一分,为末。每服一字,犀角磨水调下。普济方。急惊搐搦丹砂半两,天南星一个,一两重者,炮裂酒浸,大蝎三个,为末。每服一字,薄荷汤下。圣济录。惊忤不语打扑惊忤,血入心窍,不能言语。朱砂为末,以雄猪心血和,丸麻子大,每枣汤下七丸。直指方。客忤卒死真丹方寸匕,蜜三合,和灌之。肘后方。癰病狂乱归神丹:治一切惊忧,思虑多忘,及一切心气不足,癰病狂乱。獾猪心二个,切,人大朱砂二两、灯心三两在内,麻扎,石器煮一伏时,取砂为末,以茯神末二两,酒打薄糊丸梧子大。每服九丸至十五丸、至二十五丸,麦门冬汤下,甚者乳香、人参汤下。百一选方。产后癰狂败血及邪气入心,如见祟物,颠狂。用大辰砂一、二钱,研细飞过,用饮儿乳汁三四茶匙调湿,以紫项地龙一条入药滚三滚,刮净,去地龙不用,

水银(本经中品)

【释名】汞别录、汞同、灵液纲目、姹女药性。〔时珍曰〕其状如水似银,故名水银。汞者,流动貌。方术家以水银和牛、羊、豕三脂杵成膏,以通草为炷,照于有金宝处一,即知金银铜铁铅玉龟蛇妖怪,故谓之灵液。〔颂曰〕广雅:水银谓之汞。丹灶家名汞,其字亦通用尔。

【集解】〔别录曰〕水银生符陵平土,出于丹砂。〔弘景曰〕今水银有生熟。此云生符陵平土者,是出朱砂腹中,亦有别出沙地者,青白色,最胜。出于丹砂者,是今烧粗末朱砂所得,色小白浊,不及生者。甚能消化金银,使成泥,人以镀物是也。烧时飞着釜上灰,名汞粉,俗呼为水银灰,最能去风。〔恭曰〕水银出于朱砂,皆因热气,未闻朱砂腹中自出之者。火烧飞取,人皆解法。南人蒸取之,得水银虽少,而朱砂不损,但色少变黑尔。〔颂曰〕今出秦州、商州、道州、邵武军,而秦州乃来自西羌界。经云出于丹砂者,乃是山石中采粗次朱砂,作炉置砂于中,下承以水,上覆以盆,器外加火煅养,则烟飞于上,水银溜于下,其色小白浊。陶氏言别出沙地者青白色,今不闻有此。西羌人亦云如此烧取,但其山中所生极多,至于一山自拆裂,人采得砂石,皆大块如升斗,碎之乃可烧煅,故西来水银极多于南方者。又取草汞法:用细叶马齿苋干之,十斤得水银八两或十两。先以槐木槌之,向日东作架晒之,三二日即干。如经年久,烧存性,盛入瓦瓮内,封口,埋土坑中四十九日,取出自成矣。〔时珍曰〕汞出于砂为真汞,雷敦言有草汞。陶弘景言有沙地汞,淮南子言弱土之气生白礬石,礬石生白汞。苏颂言陶说者不闻有之。按陈霆墨谈云,拂林国当日没之处,地有水银海,周围四五十里。国人取之,近海十里许掘坑井数十,乃使健夫骏马,皆贴金箔,行近海边。日照金光晃耀,则水银滚沸如潮而来,其势若粘裹。其人即回马疾驰,水银随赶。若行缓,则人马俱扑灭也。人马行速,则水银势远

入无灰酒一盞,分作三四次服。何氏方。心虚遗精猪心一个,批片相连,以飞过朱砂末掺入,丝缚,白水煮熟食之。唐瑶经验方。离魂异病方见发明。夜多恶梦方见发明。男妇心痛朱砂、明矾枯等分,为末。沸汤调服。摘玄方。心腹宿癥及卒得癥,朱砂研细,搜饭,以雄鸡一只,饿二日,以饭饲之,收粪曝燥为末。温酒服方寸匕,日三服。服尽更作,愈乃止。外台秘要。霍乱转筋身冷,心下微温者。朱砂研二两,蜡三两,和丸着火笼中熏之,周围厚覆,勿令烟泄。兼床下着火,令腹微暖,良久当汗出而苏。外台秘要。辟瘴正阳丹砂三两,水飞。每服半钱,温蜜汤下。普济录。伤寒发汗外台秘要:治伤寒时气温疫,头痛壮热脉盛,始得一二日者。取真丹一两,水一斗,煮一升,顿服,覆被取汗。忌生血物。肘后:用真丹末酒调,遍身涂之,向火坐,得汗愈。辟瘴温疫上品朱砂一两,细研,蜜和丸麻子大。常以太岁日平旦,一家大小勿食诸物,向东各吞三七丸,勿令近齿,永无温疫。外台。诸般吐血朱砂、蛤粉等分,为末。酒服二钱。又方:丹砂半两,金箔四片,蚯蚓三条,同研,丸小豆大。每冷酒下二丸。圣济录。妊妇胎动朱砂末一钱,和鸡子白三枚,搅匀顿服。胎死即出,未死即安。普济方。子死腹中不出,朱砂一两,水煮数沸,为末。酒服立出。十全博救方。目生障翳生辰砂一块,日日擦之,自退。王居云病此,用之如故。普济方。目膜息肉丹砂一两,五月五日研匀,铜器中以水浆一盞,腊水一盞,浸七日,暴干,铜刀刮下,再研瓶收。每点少许眦上。圣济录。目生胬肉及珠管,真丹、贝母等分,为末,点注,日三四度。肘后方。面上黥黯鸡子一枚去黄,朱砂末一两,入鸡子内封固,入白伏雌下,抱至雏出,取涂面即去。不过五度,面白如玉。此乃陈朝张贵妃常用方,出西王母枕中方。外台秘要。沙蜂叮螫朱砂末,水涂之。摘玄方。木蛭疮毒南方多雨,有物曰木蛭,大类鼻涕,生于古木之上,闻人气则闪闪而动。人过其下,堕人体间,即立成疮,久则遍体。惟以朱砂、麝香涂之。即愈。张杲医说。产后舌出不收,丹砂傅之,暗掷盆盎作堕地声惊之,即自收。集简。

力微,遇坑堑而溜积于中。然后取之,用香草同煎,则成花银,此与中国所产不同。按此说似与陶氏沙地所出相合。又与陈藏器言人服水银病拘挛,但炙金物熨之,则水银必出蚀金之说相符。盖外番多丹砂,其液自流为水银,不独炼砂取出,信矣。胡演丹药秘诀云:取砂汞法:用瓷瓶盛朱砂,不拘多少,以纸封口,香汤煮一伏时,取入水火鼎内,炭塞口,铁盘盖定。凿地一孔,放碗一个盛水,连盘覆鼎于碗上,盐泥固缝,周围加火煅之,待冷取出,汞自流入碗矣。邕州溪峒烧取极易,以百两为一铔,铔之制似猪脬,外糊厚纸数重,贮之即不走漏。若撒失在地,但以川椒末或茶末收之,或以真金及铤石引之即上。〔嘉谟曰〕取去汞之砂壳,名天流,可点化。

【**修治**】〔**教**曰〕凡使勿用草汞并旧朱漆中者,经别药制过者,在尸中过者,半生半死者。其朱砂中水银色微红,收得后用壶芦贮之,免遗失。若先以紫背天葵并夜交藤自然汁二味同煮一伏时,其毒自退。若修十两,二汁各七铤。

【**气味**】辛,寒,有毒。〔**权**曰〕有大毒。〔**大明**曰〕无毒。〔**之才**曰〕畏慈石、砒霜。〔**宗奭**曰〕水银得铅则凝,得硫则结,并枣肉研则散,别法煅为膩粉,粉霜,唾研之死虱,铜得之则明,灌尸中则后腐,以金银铜铁置其上则浮,得紫河车则伏,得川椒则收。可以勾金,可为涌泉匱,盖借死水银之气也。〔**土宿真君**曰〕荷叶、松叶、松脂、谷精草、营草、金星草、瓦松、夏枯草、忍冬、莨菪子、雁来红、马蹄香、独脚莲、水慈姑,皆能制汞。

【**主治**】疥癩痂瘍白禿,杀皮肤中虱,堕胎除热,杀金银铜锡毒。熔化还复为丹,久服神仙不死。本经。以敷男子阴,阴消无气。别录。利水道,去热毒。藏器。主天行热疾,除风,安神镇心,治恶疮蜂疥,杀虫,催生,下死胎。大明。治小儿惊热涎潮。宗奭。镇坠痰逆,呕吐反胃。时珍。

【**发明**】〔**弘景**曰〕还复为丹,事出仙经。酒和日暴,服之长生。〔**权**曰〕水银有大毒,朱砂中液也。乃还丹之元母,神仙不死之药,能伏炼

五金为泥。〔**抱朴子**曰〕丹砂烧之成水银,积变又还成丹砂,其去凡草木远矣,故能令人长生。金汞在九窍,则死人为之不朽,况服食乎?〔**藏器**曰〕水银入耳,能食人脑至尽;入肉令百节挛缩,倒阴绝阳。人患疮疥,多以水银涂之,性滑重,直入肉,宜谨之。头疮切不可用,恐入经络,必缓筋骨,百药不治也。〔**宗奭**曰〕水银入药,虽各有法,极须审慎,有毒故也。妇人多服绝娠。今有水银烧成丹砂,医人不晓误用,不可不谨。唐韩愈云:太学士李于遇方士柳泌,能烧水银为不死药。以铅满一鼎,按中为空,实以水银,盖封四际,烧为丹砂。服之下血,四年病益急,乃死。余不知服食说自何世起,杀人不可计,而世慕尚之益至,此其惑也。在文书所记及耳闻者不说。今直取目见,亲与之游,而以药败者六七公,以为世诫。工部尚书归登,自说服水银得病,有若烧铁杖自颠贯其下,摧而为火,射窍节以出,狂痛呼号泣绝。其裯席得水银,发且止,唾血十数年以毙。殿中御史李虚中,疽发其背死。刑部尚书李逊谓余曰:我为药误。遂死。刑部侍郎李建。一旦无病死。工部尚书孟简,邀我于万州,屏人曰:我得秘药,不可独不死。今遗子一器,可用枣肉为丸服之。别一年而病。后有人至,讯之,曰:前所服药误,方且下之,下则平矣。病二岁卒。东川节度御史大夫卢坦,溺血,肉痛不可忍,乞死。金吾将军李道古,以柳泌得罪,食泌药,五十死海上。此皆可为戒者也。薪不死乃速得死,谓之智,可不可也?五谷三牲,盐醯果蔬,人所常御。人相厚勉,必日强食。今惑者皆曰:五谷令人夭,三牲皆杀人,当务减节。一筵之饌,禁忌十之二三。不信常道而务鬼怪,临死乃悔。后之好者又曰:彼死者皆不得其道也,我则不然。始动曰:药动故病,病去药行,乃不死矣。及且死又悔。呜呼!可哀也已。〔**时珍**曰〕水银乃至阴之精,稟沉着之性。得凡火煅炼,则飞腾灵变;得人气熏蒸,则入骨钻筋,绝阳蚀脑。阴毒之物无似之者。而大明言其无毒,本经言其久服神仙,甄权言其分丹元母,抱朴子以为长生之药。六朝以下贪生者服食,致成废笃而丧厥躯,不知若干人矣。方士固不足道,本草其可妄言哉?水银但不可服食尔,而其治病之功,不可掩也。同黑铅结砂,则镇坠痰涎;同硫黄结砂,则拯救危病。此乃应变之兵,在用者能得肯綮而执其枢机焉而。余

见铅白霜及灵砂下。

【附方】旧五,新二十四。初生不乳咽中有噤物如麻豆许。用水银米粒大与之,下咽即愈。圣惠方。小儿痢疾能压一切热。水银小豆许,安盏中,沉汤内煮一食顷,与服。勿仰儿头,恐入脑也。圣济方。急惊涎水银半两,生南星一两,麝香半分,为末,入石脑油同捣,和丸绿豆大。每服一丸,薄荷汤下。失心风疾水银一两,藕节八个,研成砂子,丸如茱子大。每服二丸,磨刀水下,一二服。经验方。精魅鬼病水银一两,浆水一升,炭火煎减三分。取水银一豆许,神符裹吞之,晚又服,一二日止。广济方。反胃吐食水不能停,黑铅、水银各一钱半,结砂,舶硫黄五钱,官桂一钱,为末。每服六钱,一半米汤,一半自然姜汁,调作一处服。圣济录。消渴烦热水银一两,铅一两,结砂,皂荚一挺酥炙,麝香一钱,为末。每服半钱,白汤下。圣济录。胆热衄血上妄行。水银、朱砂、麝香等分,为末。每服半钱,新汲水下。宜明方。血汗不止方同上。妊妇胎动母欲死,子尚在,以此下之。水银、朱砂各半两,研膏。以牛膝半两,水五大盏,煎汁,入蜜调服半匙。圣惠方。妇人难产水银二两,先煮后服,立出。梅师方。胎死腹中其母欲死。水银二两吞之,立出。梅师方。妇人断产水银以麻油煎一日,空心服枣大一丸,永断,不损人。妇人良方。解金银毒水银一两,服之即出。千金方。误吞金银及环子钗子,以汞半两吞之,再服即出。圣惠方。百虫入耳水银豆许,倾入耳中,以耳向下,击铜物数声即出。能食人脑,非急切勿用。圣济录。头上生虱水银和蜡烛油揩之,一夜皆死。摘玄方。腋下胡臭水银、胡粉等分,以面脂和,频搽之。千金方。少年面疱水银、胡粉等分,研,腊猪脂和,夜涂旦拭,勿见水,三度瘥。肘后方。老小口疮水银一分,黄连六分,水二升,煮五合。含之,日十次。普济方。白癫风痒水银数拭之,即消。千金方。虫癣瘙痒水银、胡粉等分,研傅。又水银、茺莢,和酥傅之。外台秘要。痔虫作痒水银、枣膏各二两同研,绵裹纳下部,明日虫出。梅师方。恶肉毒疮一女年十四,腕软处生物如黄豆大,半在肉中,红紫色,痛甚,诸药不效。一方士以水银四两,白纸二张揉熟,蘸银擦之,三日自落而愈。李楼怪证方。一切恶疮水银、黄连、胡粉熬黄,各一两,研匀傅之,干则以唾调。肘后方。杨梅

毒疮水银、黑铅各一钱结砂,黄丹一钱,乳香、没药各五分,为末。以纸卷作小捻,染油点灯,日照疮三次,七日见效。方广附余:用水银、黑铅结砂、银朱各二钱,白花蛇一钱,为末,作纸捻七条。头日用三条,自后日用一条,香油点灯于炉中,放被内熏之,勿透风。头上有疮,连头盖之。一方:水银一钱二分,黑铅、白锡各八分,共结砂,黄丹四分,朱砂六分,为末,分作十二纸捻,以香油浸灯盏内,点于小桶中。以被围病人坐之,以鼻细细吸烟,三日后口出恶物为效。痘后生翳水银二钱,虢丹五钱,研作六丸,坩锅糊定,火煅一日取出,薄绵裹之。左翳塞右耳,右翳塞左耳,自然坠下。危氏方。

水银粉(宋嘉祐)

【释名】汞粉、轻粉拾遗、峭粉日华、膩粉〔时珍曰〕轻言其质,峭言其状,膩言其性。昔萧史与秦穆公炼飞去丹,第一转乃轻粉,即此。

【修治】〔时珍曰〕升炼轻粉法:用水银一两,白矾二两,食盐一两,同研不见星,铺于铁器内,以小乌盆覆之。筛灶灰,盐水和,封固盆口。以炭打二炷香取开,则粉升于盆上矣。其自如雪,轻盈可爱。一两汞,可升粉八钱。又法:水银一两,皂矾七钱,白盐五钱,同研,如上升炼。又法:先以皂矾四两,盐一两,焰硝五钱,共炒黄为末。水银一两,又曲二两,白矾二钱,研匀,如上升炼。海客论云:诸矾不与水银相合,而绿矾和盐能制水银成粉,何也?盖水银者金之魂魄,绿矾者铁之精华,二气同根,是以暂制成粉。无盐则色不白。

【气味】辛,冷,无毒。〔大明曰〕畏磁石、石黄,忌一切血,本出于丹砂故也。〔时珍曰〕温燥有毒,升也,浮也。黄连、土茯苓、陈酱、黑铅、铁浆,可制其毒。

【主治】通大肠,转小儿疳瘕瘰癧,杀疮疥癣虫,及鼻上酒皶。风疮瘙痒。藏器。治痰涎积滞,水肿鼓胀,毒疮。时珍。

【发明】〔宗奭曰〕水银粉下膈涎,并小儿涎潮癰疽药多用。然不可常服及过多,多则损人。若兼惊则危,须审之。盖惊为心气不足,不可下。下之里虚,惊气入心,不可治。其人本虚,更须禁此,慎之至也。〔刘完素曰〕银粉能伤牙

齿。盖上下齿龈属手足阳明之经,毒气感于肠胃,而精神气血水谷既不胜其毒,则毒即循经上行,而至齿龈嫩薄之分为审也。〔时珍曰〕水银乃至阴毒物,因火煅丹砂而出,加以盐、矾炼而为轻粉,加以硫黄升而为银朱,轻飞灵变,化纯阴为燥烈。其性走而不守,善劫痰涎,消积滞。故水肿风痰湿热毒疮被劫,涎从齿龈而出,邪郁为之暂开,而疾因之亦愈。若服之过剂,或不得法,则毒气被蒸,窜入经络筋骨,莫之能出。痰涎既去,血液耗亡,筋失所养,营卫不从。变为筋挛骨痛,发为痈肿疔漏,或手足皴裂,虫癣顽痹,经年累月,遂成皮瘤,其害无穷。观丹客升炼水银轻粉,鼎器稍失固济,铁石撼透,况人之筋骨皮肉乎?陈文中言轻粉下痰而损心气,小儿不可轻用,伤脾败阳,必变他证,初生尤宜慎之。而演山氏谓小儿在胎,受母饮食热毒之气,蓄在胸膈,故生下个个发惊,宜三日之内与黄连去热,膩粉散毒,又与人参朱砂蜜汤解清心肺,积毒既化,儿可免此患。二说不同,各有所见。一谓无胎毒者,不可轻服;一谓有胎毒者,宜预解之。用者宜审。

【附方】旧三,新三十二。小儿初生浴汤中入盐少许,拭干,以膩粉少许摩其身,既不畏风,又散诸气。全幼心鉴。初生锁肚证由胎中热毒,结于肛门,儿生之后,闭而不通三日者。急令妇人啣儿前后心手足心并脐七处,四五次。以轻粉半钱,蜜少许,温水化开,时时与少许,以通为度。全幼心鉴。小儿涎喘服药不退者,用无雄鸡子一个取清,入轻粉抄十钱拌和,银器盛,置汤瓶上蒸熟。三岁儿尽食,当吐痰或泄而愈。气实者乃可用。演山活幼口议。幼儿吮乳不止,服此立效。膩粉一钱,盐豉七粒,去皮研匀,丸麻子大。每服三丸,藿香汤下。活幼口议。小儿吃泥及臌肚,用膩粉一分,沙糖和丸麻子大,空心米饮下一丸,良久泄出泥土,瘥。经验方。大小便闭胀闷欲死,二三日则杀人。膩粉一钱,生麻油一合,相和,空心服。圣惠方。大便壅结膩粉半钱,沙糖一弹丸,研丸梧子大。每服五丸,临卧温水下。又方:膩粉二钱,黄丹一钱,为末。每米饮服一钱。普济方。血痢腹痛膩粉五钱,定粉三钱,同研,水浸蒸饼心少许,和丸绿豆大,每服七丸或十丸。艾一枚,水一盏,煎汤下。秘宝方。消中嗜食多因外伤瘴热,内积忧思,啖食咸物及面,致脾胃干

燥,饮食倍常,不生肌肉,大便反坚,小便无度。轻粉一钱为末,姜汁拌匀,长流水下,齿浮是效,后服猪肚丸补之。危氏得效方。一切虚风不二散:用膩粉一两,汤煎五度如麻脚,慢火焙干,麝香半两,细研。每服一字,温水调下。孙用和秘宝方。水气肿满汞粉一钱,乌鸡子去黄,盛粉,蒸饼包,蒸熟取出,苦葶苈炒一钱,同蒸饼杵丸绿豆大。每车前汤下三五丸,日三服,神效。医垒元戎。痘疮生翳轻粉、黄丹等分,为末。左目患吹右耳,右目吹左耳,即退。王氏痘疹方。女人面脂太真红玉膏:轻粉、滑石、杏仁去皮等分,为末,蒸过,入脑、麝少许,以鸡子清调匀,洗面毕傅之。旬日后,色如红玉。闺阁事宜。抓破面皮生姜自然汁调轻粉末搽之,更无痕迹。救急方。牙齿疼痛轻粉一钱,大蒜一瓣,杵饼,安膈骨前陷中。先以铜钱隔了,用蚬壳盖定扎住,一宿愈。左疼安右,右疼安左。摘玄方。风虫牙疳脓血有虫。轻粉一钱,黄连一两,为末掺之。普济方。小儿耳烂轻粉、枣子灰等分,研,油调傅。摘玄方。底耳肿痛汁水不绝。轻粉一钱,麝香一分,为末掺之。简便方。烂弦风眼膩粉末,口津和,点大眦,日二三次。圣惠方。小儿头疮葱汁调膩粉涂之。又方:鸡子黄炒出油,入麻油及膩粉末,傅之。集简方。小儿生癣猪脂和轻粉抹之。直指方。牛皮恶癣五更食炙牛肉一片,少刻以轻粉半钱,温酒调下。直指方。杨梅疮瘰岭南卫生方:用汞粉、大风子肉等分,为末,涂之即愈。医方摘玄:用轻粉二钱,杏仁四十二个去皮,洗疮拭干搽之,不过三次即愈。干则以鹅胆汁调。杨梅毒疮医学统旨:用轻粉一钱,雄黄、丹砂各二钱半,槐花炒、龟版炙各一两,为末,糊丸梧子大。每服一钱,冷茶下,日二服,七日愈。杨诚经验方:用轻粉、胡桃仁、槐花炒研、红枣肉各二钱,捣丸。分作三服,初日鸡汤下,二日酒下,三日茶下,三日服尽,五日疮干,七日痂落。一方:用獐猪肾一对,去膜批开,各掺轻粉一钱扎定,麻油二两炸熟。顿食,不破口肿牙。仍服金银花药。一方:用大鸡卵一个,去黄留白,入轻粉一钱搅匀,纸糊饭上蒸熟食。下疳阴疮轻粉末干掺之,即结靥而愈。万表积善堂方。臃疮不合以豇汁温洗拭干,用葱汁调轻粉傅之。一方:轻粉五分,黄蜡一两,以粉掺纸上,以蜡铺之。缚在疮上,黄水出即愈。永类方。痛疽恶疮杨梅诸疮。水银一两,朱砂、雄黄

各二钱半,白矾、绿矾各二两半,研匀罐盛,灯盏盖定,盐泥固济,文武火炼,升罐口扫收。每以三钱,入乳香、没药各五分,酒太乙膏上贴之,绝效,名曰五宝霜。

粉霜(纲目)

【释名】水银霜、白雪纲目、白灵砂〔时珍曰〕以汞粉转升成霜,故曰粉霜。抱朴子云:白雪,粉霜也。以海卤为匱,盖以土鼎。勿泄精华,七日乃成。要足阳气,不为阴侵。惟姜、藕、地丁、河车可以炼之点化。在仙为玄壶,在人为精原,在丹为木精,在造化为白雪,在天为甘露。

【修治】〔时珍曰〕升炼法:用真汞粉一两,入瓦罐内令匀。以灯盏仰盖罐口,盐泥涂缝。先以小炭火铺罐底四围,以水湿纸不住手在灯盏内擦,勿令间断。逐渐加火,至罐颈住火。冷定取出,即成霜如白蜡。按外台秘要载古方崔氏造水银霜法云:用水银十两,石硫黄十两,各以一铛熬之。良久银热黄消,急倾为一铛,少缓即不相入,仍急搅之。良久硫成灰,银不见,乃下伏龙肝末十两,盐末一两。搅之。别以盐末铺铛底一分,入药在上,又以盐末盖面一分,以瓦盆覆之,盐土和泥涂缝,炭火煅一伏时,先文后武,开盆刷下,凡一转。后分旧土为四分,以一分和霜,入盐末二两,如前法飞之讫。又以土一分,盐末二两,和飞如前,凡四转。土尽更用新土,如此七转,乃成霜用之。此法后人罕知,故附于此云。

【气味】辛,温,有毒。〔时珍曰〕畏养麦秆灰、硫黄。

【主治】下痰涎,消积滞,利水,与轻粉同功。时珍。

【发明】〔元素曰〕粉霜、轻粉,亦能洁净府,去膀胱中垢腻,既毒而损齿,宜少用之。〔时珍曰〕其功过与轻粉同。

【附方】新六。小儿急惊搐搦涎盛。粉霜二钱,白牵牛炒、轻粉各一钱,为末。每服一字,薄荷汤下,吐涎为效。全婴方。小儿躁渴粉霜一字,大儿半钱,莲花汤调下。冬月用莲肉。保幼大全。风热惊狂神白丹:治伤寒积热,及风生惊搐,或如狂病,诸药不效。粉霜一两,以白面六钱,和作饼子,炙熟同研,轻粉半两,铅白霜二

钱半,为末,滴水丸梧子大。每服十丸至十五丸,米饮下。宜明方。癍疹生翳粉霜八分,朱砂一钱,为末。水调少许,倾入耳内。鸿飞集。腋下胡臭粉霜、水银等分,以面脂和涂之。圣济录。杨梅恶疮粉霜一味搽之。集简方。

银朱(纲目)

【释名】猩红、紫粉霜〔时珍曰〕昔人谓水银出于丹砂,熔化还复为朱者,即此也。名亦由此。

【集解】〔时珍曰〕胡演丹药秘诀云:升炼银朱,用石亭脂二斤,新锅内熔化,次下水银一斤,炒作青砂头,炒不见星。研末罐盛,石版盖住,铁线缚定。盐泥固济,大火煅之。待冷取出,贴罐者为银朱,贴口者为丹砂。今人多以黄丹及矾红杂之,其色黄黯,宜辨之。真者谓之水华朱。每水银一斤,烧朱一十四两八分,次朱三两五钱。

【气味】辛,温,有毒。

【主治】破积滞,劫痰涎,散结胸,疗疥癣恶疮,杀虫及虱,功同粉霜。时珍。

【发明】〔明珍曰〕银朱乃硫黄同汞升炼而成,其性燥烈,亦能烂龈挛筋,其功过与轻粉同也。今厨人往往以之染色供饌,宜去之。

【附方】新二十。小儿内钓多啼,银朱半钱,乳香、煨蒜各一钱,为末,研丸黍米大。半岁五丸,薄荷汤下。心鉴。男女阴毒银朱、轻粉各一钱,用五日独蒜一枚,捣和作饼。贴手心,男左女右,两手合定,放阴下,顷间气回、汗出即愈。但口中微有气,即活。唐瑶经验方。痰气结胸鹤顶丹:不问阴阳虚实,炒过陷胸、泻心等药。用银朱半两,明矾一两,同碾。以熨斗盛火,瓦盏盛药,熔化,急刮搓丸。每服一钱,真茶入姜汁少许服之。心上隐隐有声,结胸自散。不动脏腑,不伤真气,明矾化痰,银朱破积,故也。曾世荣活幼全书。正水肿病大便利者,银朱半两,硫黄煅四两,为末,面糊丸梧子大。每饮下三十丸。普济方。咽喉疼痛银朱、海螵蛸末等分,吹之取涎。救急方。火焰丹毒银朱调鸡子清涂之。李楼怪症方。汤火灼伤银朱研细,菜油调傅,二次愈。多能鄙事。疽疮发背银朱、白矾等分,煎汤温洗,却用桑柴火远远炙之,

日三次,甚效。救急方。鱼脐丁疮四面赤,中央黑,银朱,水和丸。每服一丸,温酒下,名走马丹。普济方。杨梅毒疮银朱,官香等分,为末,以纸卷作捻,点灯置桶中,以鼻吸烟,一日一作,七日愈。又方:银朱二钱,孩儿茶一钱,龙桂香一钱,皂角子一钱,为末。如上法用。又方:银朱、轻粉各一钱,黄蜡、清油各一两,化开和收。以油纸摊贴,疮痂自脱也。筋骨疼痛猩红三钱,枯矾四钱,为末,作三纸捻。每旦以一捻蘸油点火熏脐,被覆卧之,取汗。纂要奇方。日久顽疮不收者,银朱一钱,千年地下石灰五分,松香五钱,香油一两,为末。化摊纸上贴之。应急良方。疔疮不敛方同上。血风疔疮生脚股上,乃湿毒成风也。黄蜡一两溶化,入银朱一两,搅摊纸上,刺孔贴之。简便方。黄水湿疮银朱、盐梅和捣傅之。集玄方。癬疮有虫银朱、牛骨髓,桐油调搽。医方摘要。头上生虱银朱浸醋,日日梳头。包银朱纸,以碗覆烧之,茶清洗下烟子揉之。包头一夜,至旦虱尽死。积德堂方。

灵砂(证类)

【释名】二气砂[慎微曰]茅亭客话载,以灵砂饵胡孙、鸚鵡、鼠、犬等,变其心,辄会人言,丹之通为灵者。〔时珍曰〕此以至阳勾至阴,脱阴反阳,故曰灵砂。

【修治】〔慎微曰〕灵砂,用水银一两,硫黄六铢,细研炒作青砂头,后入水火既济炉,抽之如束针纹者,成就也。〔时珍曰〕按胡演丹药秘诀云:升灵砂法:用新锅安逍遥炉上,蜜揩锅底,文火下烧,入硫黄二两熔化,投水银半斤,以铁匙急搅,作青砂头。如有焰起,喷醋解之。待汞不见星,取出细研,盛入水火鼎内,盐泥固济,下以自然火升之,干水十二盏为度,取出如束针纹者,成矣。庚辛玉册云:灵砂者,至神之物也。硫汞制而成形,谓之丹基。夺天地造化之功,窃阴阳不测之妙。可以变化五行,炼成九还。其未升鼎者,谓之青金丹头;已升鼎者,乃曰灵砂。灵砂有三:以一伏时周天火而成者,谓之金鼎灵砂;以九度抽添用周天火而成者,谓之九转灵砂;以地数三十日炒炼而成者,谓之医家老火灵砂。并宜桑灰淋醋煮伏过用,乃良。

【气味】甘,温,无毒。

【主治】五脏百病,养神安魂魄,益气明目,通血脉,止烦满,益精神,杀精魅恶鬼气。久服通神明不老,轻身神仙,令人心灵。慎微。主上盛下虚,痰涎壅盛,头旋吐逆,霍乱反胃,心腹冷痛,升降阴阳,既济水火,调和五脏,辅助元气。研末,糯糊为丸,枣汤服,最能镇坠,神丹也。时珍。

【发明】〔时珍曰〕硫黄,阳精也;水银,阴精也。以之相配夫妇之道,纯阴纯阳二体合璧。故能夺造化之妙,而升降阴阳,既济水火,为扶危拯急之神丹,但不可久服尔。苏东坡言,此药治久患反胃,及一切吐逆,小儿惊吐,其效如神,有配合阴阳之妙故也。时珍常以阴阳水送之,尤妙。

【附方】新七。伏热吐泻阴阳丸:用硫黄半两,水银一钱,研黑,姜汁糊丸小豆大。三岁三丸,冷水下;大人三四十丸。郑氏小儿方。诸般吐逆方同上。霍乱吐逆不问虚实冷热,二气散,一名青金丹:用水银、硫黄等分,研不见星。每服一字至半钱,生姜汤调下。钱氏小儿方。脾疼反胃灵砂一两,蚌粉一两,同炒赤,丁香、胡椒各四十九粒,为末,自然姜汁煮,半夏粉糊丸梧子大,每姜汤下二十丸。普济方。冷气心痛灵砂三分,五灵脂一分,为末,稀糊丸麻子大,每服二十丸,食前石菖蒲、生姜汤下。直指方。九窍出血因暴惊而得,其脉虚者。灵砂三十粒,人参汤下,三服愈。此证不可错认作血得热则流,妄用凉药误事。杨仁斋直指方。养正丹又名交泰丹,乃宝林真人谷伯阳方也。却邪辅正,助阳接真。治元气亏虚,阴邪交荡,上盛下虚,气不升降,呼吸不足,头旋气短,心怯惊悸,虚烦狂言,盗汗,腹痛腰痛,反胃吐食,霍乱转筋,咳逆。又治中风涎潮,不省人事,阳气欲脱,四肢厥冷。伤寒阴盛自汗,唇青脉沉。妇人产后月候不匀,带下腹痛。用黑盏一只,入黑铅熔汁,次下水银,次下朱砂末,炒不见星,少顷乃下硫黄末,急搅。有焰,酒醋解之。取出研末,糯粉煮糊丸绿豆大。每服二十丸,盐汤下。四味皆等分。此药升降阴阳,既济心肾,神效不可具述。和济局方。

堪用。真雄黄，似鸛鵒鸟肝色者为上。

雄黄(本经中品)

【释名】黄金石本经、石黄唐本、熏黄〔普曰〕雄黄生山之阳，是丹之雄，所以名雄黄也。〔恭曰〕出石门者名石黄，亦是雄黄，而通名黄金石，石门者为劣尔。恶者名熏黄，止用熏疮疥，故名之。〔藏器曰〕今人敲取石黄中精明者为雄黄，外黑者为熏黄。雄黄烧之不臭，熏黄烧之则臭，以此分别。〔权曰〕雄黄，金之苗也。故南方近金治处时有之，但不及西来者真好尔，〔宗奭曰〕非金苗也。有金窟处无雄黄。〔时珍曰〕雄黄入点化黄金用，故名黄金石，非金苗也。

【集解】〔别录曰〕雄黄生武都山谷、敦煌山之阳，采无时。〔弘景曰〕武都，氐羌也，是为仇池。宕昌亦有之，小劣。敦煌在凉州西数千里，近来纷扰，皆用石门、始兴石黄之好者耳。凉州黄好者作鸡冠色，不臭而坚实。其黯黑及虚软者，不好也。〔恭曰〕宕昌、武都者为佳，块方数寸，明澈如鸡冠，或以为枕，服之辟恶。其青黑坚者，不入药用。贞观年中，以宕州新出有得方数尺者，但重脆不可全致之耳。〔禹锡曰〕水经注云：黄水出零陵县，西北连巫山，溪出雄黄，颇有神异。常以冬月祭祀，凿石深数丈，方采得之，故溪水取名焉。又抱朴子云：雄黄当得武都山所出者，纯而无杂，其赤如鸡冠，光明晔晔者，乃可用。其但纯黄似雌黄色无光者，不任作仙药，可合理病药耳。〔颂曰〕今阶州即古武都山中有之。形块如丹砂，明澈不夹石，其色如鸡冠者真。有青黑色而坚者名熏黄，有形色似真而气臭者名臭黄，并不入服食，只可疗疮疥。其臭以醋洗之便去，足以乱真，尤宜辨。又阶州接西戎界，出一种水窟雄黄，生于山岩中有水流处。其石名青烟石、白鲜石。雄黄出其中，其块大者如胡桃，小者如栗豆，上有孔窍，其色深红而微紫，体极轻虚而功用更胜，丹灶家尤贵重之。〔时珍曰〕武都水窟雄黄，北人以充丹砂，但研细色带黄耳。丹房鉴源云：雄黄千年化为黄金。武都者上，西番次之。铁色者上，鸡冠次之。以沉水银脚铁末上拭了，旋有黄衣生者为真。一云：验之可以燬虫死者为真，细嚼口中含汤不臭辣者次之。〔敦曰〕凡使勿用臭黄，气臭；黑鸡黄，色如乌鸡头；夹腻黄，一重黄，一重石，并不



【修治】〔敦曰〕每雄黄三两，以甘草、紫背天葵、地胆、碧棱花各五两，细锉，东流水入坩锅中，煮三伏时，漉出，捣如粉，水飞澄去黑者，晒干再研用。其内有劫铁石，又号赴矢黄，能劫于铁，并不入药用。〔思邈曰〕凡服食用武都雄黄，须油煎九日九夜，乃可入药；不尔有毒，慎勿生用。〔时珍曰〕一法：用米醋入萝卜汁煮干用良。〔抱朴子曰〕饵法：或以蒸煮，或以消石化为水，或以猪脂裹蒸之于赤土下，或以松脂和之，或以三物炼之，如布，白如冰。服之令人长生，除百病，杀三虫。伏火者，可点铜成金，变银成金。

【气味】苦，平，寒，有毒。〔别录曰〕甘，大温。〔权曰〕辛，有大毒。〔大明曰〕微毒。〔土宿真君曰〕南星、地黄、莴苣、五加皮、紫河车、地榆、五叶藤、黄芩、白芷、当归、地锦、鹅肠草、鸡肠草、苦参、鹅不食草、圆桑、猬脂，皆可制雄黄。

【主治】寒热，鼠瘻恶疮，疽痔死肌，杀精物恶鬼邪气百虫毒，胜五兵。炼食之，轻身神仙。本经。疗疥虫蚤疮，目痛，鼻中息肉，及绝筋破骨，百节中大风，积聚癖气，中恶腹痛鬼疟，杀诸蛇虺毒，解藜芦毒，悦泽人面。饵服之者，皆飞入脑中，胜鬼神，延年益寿，保中不饥。得铜可作金。别录。主疥癣风邪，癰疽疔瘡，一切虫兽伤。大明。搜肝气，泻肝风，消涎积。好古。治疟疾寒热，伏暑泄痢，酒饮成癖，惊痫，头风眩运，化腹中瘀血，杀劳虫疳虫。时珍。

【发明】〔权曰〕雄黄能杀百毒，辟百邪，杀蛊毒。人佩之，鬼神不敢近；入山林，虎狼伏；涉川水，毒物不敢伤。〔抱朴子曰〕带雄黄入山林，即不畏蛇。若蛇中人，以少许傅之，登时愈。吴楚之地，暑湿郁蒸，多毒虫及射工、沙虱之类，但以雄黄、大蒜等分，合捣一丸佩之。或已中者，涂之亦良。〔宗奭曰〕焚之，蛇皆远去。治蛇咬方，见五灵脂下。唐书云：甄立言究习方书，为太常丞。有尼年六十余，患心腹鼓胀，身体羸瘦，已二年。立言诊之，曰：腹内有虫，当是误食发而然。令饵雄黄一剂，须臾吐出一蛇，如拇指，无目，烧之犹有发气，乃愈。又明皇杂录云：有黄门奉使交广回。太医周顾曰：此人腹中有蛟龙。上惊问黄门有疾否？曰：臣驰马大庾岭，热困且渴，遂饮涧水，竟腹中坚痞如石。周遂以硝石、雄黄煮服之。立吐一物，长数寸，大如指，视之鳞甲皆具。此皆杀蛊毒之验也。〔颂曰〕雄黄治疮疡尚矣。周礼：疡医，疗疡以五毒攻之。郑康成注云：今医方有五毒之药，作之，合黄堊，置石胆、丹砂、雄黄、矾石、磁石其中，烧之三日三夜，其烟上着，鸡羽扫取以注疮，恶肉破骨则尽出也。杨亿笔记载：杨蜗少时，有疡生于颊，连齿辅车，外肿若覆瓿，内溃出脓血，痛楚难忍，百疗弥年不瘥。人令依郑法烧药注之，少顷，朽骨连牙溃出，遂愈，信古方攻病之速也。黄堊音武，即今有盖瓦合也。〔时珍曰〕五毒药，范汪东阳方变为飞黄散，治缓疽恶疮，蚀恶肉。其法取瓦盆一个，安雌黄于中，丹砂居南，慈石居北，曾青居东，白石英居西，矾石居上，石膏次之，钟乳居下，雄黄覆之，云母布于下，各二两末。以一盆盖之，羊毛泥固济，作三隅灶，以陈苇烧一日，取其飞黄用之。夫雄黄乃治疮杀毒要药也，而入肝经气分，故肝风肝气、惊痫痰涎、头痛眩运、暑疟泄痢、积聚诸病，用之有殊

功。又能化血为水。而方士乃炼治服饵，神异其说，被其毒者多矣。按洪迈夷坚志云：虞雍公允文感暑痢，连月不瘥。忽梦至一处，见一人如仙官，延之坐。壁间有药方，其辞云：暑毒在脾，湿气连脚；不泄则痢，不痢则疟。独炼雄黄，蒸饼和药；别作治疗，医家大错。公依方，用雄黄水飞九度，竹筒盛。蒸七次，研末，蒸饼和丸梧子大。每甘草汤下七丸，日三服，果愈。太平广记载成都刘无名服雄黄长生之说，方士言尔，不可信。

【附方】旧十三，新四十九。卒中邪魔雄黄末吹鼻中。集验方。鬼击成病腹中烦满欲绝，雄黄粉酒服一刀圭，日三服，化血为水也。孙真人千金方。辟褫魔魔以雄黄带头上，或以枣许系左腋下，终身不魔。张文仲方。家有邪气用真雄黄三钱，水一碗，以东南桃枝咒洒满屋，则绝迹。勿令妇女见知。集简方。女人病邪女人与邪物交通，独言独笑，悲思恍惚者，雄黄一两，松脂二两，溶化，以虎爪搅之，丸如弹子。夜烧于笼中，令女坐其上，以被蒙之，露头在外，不过三剂自断。仍以雄黄、人参、防风、五味子等分为末，每旦井水服方寸匕，取愈。肘后方。小丹服法雄黄、柏子仁各二斤，松脂炼过十斤，合捣为丸。每旦北向服五丸。百日后，拘魂制魄，与神人交见。太上玄变经。转女为男妇人觉有妊，以雄黄一两，绛囊盛之，养胎转女成男，取阳精之全于地产也。千金方。小儿诸病雄黄、朱砂等分为末。每服一钱，猪心血入煎水调下。直指方。骨蒸发热雄黄末一两，入小便一升，研如粉，乃取黄理石一枚，方圆一尺者，炭火烧之三食顷，浓淋汁于石上。置薄毡于上，患人脱衣坐之，衣被围住，勿令泄气，三五度瘥。外台秘要。伤寒咳逆服药无效，雄黄二钱，酒一盞，煎七分，乘热嗅其气，即止。活人书。伤寒狐惑虫蚀下部，痛痒不止，雄黄半两，烧于瓶中，熏其下部。圣惠方。偏头风病至灵散：用雄黄、细辛等分为末。每以一字吹鼻，左痛吹右，右痛吹左。博济方。五尸注病发则痛变无常，昏光沉重，缠结脏腑，上冲心胁，即身中尸鬼接引为害也。雄黄、大蒜各一两，杵丸弹子大。每热酒服一丸。肘后方。腹胁痞块雄黄一两，白矾一两，为末，面糊调膏摊贴，即见功效。未效再贴，待大便数百斤之状乃愈，秘方也。集玄方。胁下痃癖及伤饮食，煮黄丸；用雄黄一两，巴豆五钱，同研，

入白面二两,滴水为丸梧子大。每服二十四丸,浆水煮三十沸,入冷浆水沉冷吞下,以利为度,如神。保命集。**饮酒成癖酒癥丸**:治饮酒过度,头旋恶心呕吐,及酒积停于胃间,遇饮即吐,久而成癖。雄黄皂角子大六个,巴豆连皮油十五个,蝎梢十五个,同研,入白面五两半,滴水丸豌豆大,将干,入麸内炒香。将一粒放水试之,浮则取起收之。每服二丸,温酒下。和剂局方。**发癥饮油**有饮油五升以来方快者,不尔则病。此是发入于胃,气血裹之,化为虫也。雄黄半两为末,水调服之,虫自出。夏子益奇疾方。**癥瘕积聚**去三尸,益气延年却老,雄黄二两为末,水飞九度,入新竹筒内,以蒸饼一块塞口,蒸七度,用好粉脂一两,和丸绿豆大。每服七丸,酒下,日三服。千金方。**小腹痛满**不得小便,雄黄末蜜丸,塞阴孔中。伤寒类要。**阴肿如斗**痛不可忍,雄黄、矾石各二两,甘草一尺,水五升,煮二升,浸之。肘后方。**中饮食毒**雄黄、青黛等分,为末,每服二钱,新汲水下。邓笔峰方。**虫毒蛊毒**雄黄、生矾等分,端午日研化,蜡丸梧子大。每服七丸,念药王菩萨七遍,熟水下。苏东坡良方。**结阴便血**雄黄不拘多少,入枣内,线系定,煎汤。用铅一两化汁,倾入汤内同煮,自早至晚,不住添沸汤,取出为末,共枣杵,和丸梧子大。每服三十丸,煎黑铅汤空心下,只三服止。普济方。**暑毒泄痢**方见发明下。**中风舌强**正舌散:用雄黄、荆芥穗等分,为末,豆淋酒服二钱。卫生宝鉴。**破伤中风**雄黄、白芷等分,为末,酒煎灌之,即苏。邵真人经验方。**风狗咬伤**雄黄五钱,麝香二钱,为末,酒下,作二服。救急良方。**百虫入耳**雄黄烧捻熏之,自出。十便良方。**马汗入疮**雄黄、白矾各一钱,乌梅三个,巴豆一个,合研,以油调半钱傅之良。经验方。**蜘蛛伤人**雄黄末傅之。朝野僉载。**金疮内漏**雄黄半豆大,纳之。仍以小便服五钱,血皆化为水。肘后方。**杖疮肿痛**雄黄二分,密陀僧一分,研末。水调傅之,极妙。救急方。**中药箭毒**雄黄末傅之,沸汁出愈。外台秘要。**解藜芦毒**水服雄黄末一钱。外台。**小儿痘疗**雄黄一钱,紫草三钱,为末,胭脂汁调。先以银簪挑破,搽之极妙。痘疹证治。**白秃头疮**雄黄、猪胆汁和敷之。圣济录。**眉毛脱落**雄黄末一两,醋和涂之。圣济录。**筋肉化虫**有虫如蟹走于皮下,作声如小儿啼,为筋肉之化。雄黄、雷丸各一两为末,掺猪肉上炙

熟,吃尽自安。夏氏奇疾方。**风痒如虫成炼**雄黄、松脂等分,研末,蜜丸梧子大。每饮下十丸,日三服,百日不^①忌酒肉盐豉。千金方。**疗疮恶毒**千金方:刺四边及中心,以雄黄末敷之,神验。积德堂方:用雄黄、蟾酥各五分,为末,葱、蜜捣丸小米大,以针刺破疮顶,插入,甚妙。广东恶疮雄黄一钱半,杏仁三十粒去皮,轻粉一钱,为末,洗净,以雄猪胆汁调上,二三日即愈。百发百中,天下第一方,出武定侯府内。积德堂方。**蛇缠恶疮**雄黄末,醋调敷之。普济方。**缠喉风痹**雄黄磨新汲水一盞服,取吐、下愈。续十全方。**风热痛**用雄黄、干姜不^②等分,为末。嗅鼻,左痛嗅右,右痛嗅左。**牙齿虫痛**雄黄末,和枣肉丸,塞孔中。类要。**走马牙疳**臭烂出血,雄黄豆大七粒,每粒以淮枣去核包之,铁线串,于灯上烧化为末。每以少许掺之,去涎,以愈为度。全幼心鉴。**小儿牙疳**雄黄一钱,铜绿二钱,为末贴之。陈氏小儿方。**疳虫蚀鼻**雄黄、葶苈等分,研末,腊猪胆和,以槐枝点之。金匱方。**耳出臭脓**雄黄、雌黄、硫黄等分为末,吹之。圣济方。**臃疮日久**雄黄二钱,陈皮五钱、青布卷作大捻,烧烟熏之,热水流出,数次愈。笔峰杂兴。**鼻准赤色**雄黄、硫黄各五钱,水粉二钱,用头生乳汁调敷,不过三五次愈。摄生妙用方。

熏黄【主治】恶疮疥癬,杀虫虱。和诸药熏嗽。

【附方】新五。**小便不通**熏黄末豆许,内孔中,良。崔氏方。**卅年呬嗽**熏黄、木香、茛菪子等分为末。羊脂涂青纸上,以末铺之,竹筒烧烟,吸之。崔氏方。**咳嗽熏法**熏黄一两,以蜡纸调卷作筒十枚,烧烟吸烟,取吐止。一日一熏,惟食白粥,七日后以羊肉羹补之。千金方。**水肿上气咳嗽腹胀**。熏黄一两,款冬花二分,熟艾一分,以蜡纸铺艾,洒二末于上,狄管卷成筒,烧熅吸烟三十口则瘥。三日尽一剂,百日断盐、醋。外台秘要。**手足甲疽**熏黄、蛇皮等分为末。以泔洗净,割去甲,入肉处敷之,一顷痛定,神效。近效方。

① 百日不:张本作“百日愈”。《千金要方》卷二十三亦如此。

② 不:张本作“各”。

雌黄(本经本品)

【释名】坐,七火切。〔时珍曰〕生山之阴,故曰雌黄。土宿本草云:阳石气未足者为雌,已足者为雄,相距五百年而结为石。造化有夫妇之道。故曰雌雄。

【集解】〔别录曰〕雌黄生武都山谷,与雄黄同山生。其阴山有金,金精熏则生雌黄。采无时。〔弘景曰〕今雌黄出武都仇池者,谓之武都仇池黄,色小赤。出扶南林邑者,谓之昆仑黄,色如金,而似云母甲错,画家所重。既有雌雄之名,又同山之阴阳,合药便当以武都为胜。仙经无单服法,惟以合丹砂、雄黄飞炼为丹尔。金精是雌黄,铜精是空青,而服空青反胜于雌黄,其义难了。〔敦曰〕雌黄一块重四两,拆开得千重,软如烂金者,佳。其夹石及黑如铁色者,不可用。〔时珍曰〕按独孤滔丹房鉴源云:背阴者,雌黄也。滔成者,即黑色轻干,如焦锡块。臭黄作者,硬而无衣。试法:但于甲上磨之,上色者好。又烧熨斗底,以雌划之,如赤黄线一道者好。舶上来如噀血者上,湘南者次之,青者尤佳。叶子者为上,造化黄金非此不成。亦能柔五金,干汞,转硫黄,伏粉霜。又云:雄黄变铁,雌黄变锡。

【修治】〔敦曰〕凡修事,勿令妇人、鸡、犬、新犯淫人、有患人、不男人、非形人,及曾是刑狱臭秽之地,犯之则雌黄黑如铁色,不堪用也,反损人寿。每四两,用天碧枝、和阳草、粟遂子草各五两,入瓷锅中煮三伏时,其色如金汁,一垛在锅底。用东流水猛投于中,如此淘三度,去水拭干,臼中捣筛,研如尘用。又曰:雌得芹花,立便成庾。芹花一名立起草,形如芍药,煮雌能住火也。

【气味】辛,平,有毒。〔别录曰〕大寒。不入汤用。〔土宿真君曰〕芎藭、地黄、独帚、益母、羊不食草、地榆、五加皮、瓦松、冬瓜汁,皆可制伏。又雌见铅及胡粉则黑。

【主治】恶疮头秃痂疥,杀毒虫虱身痒邪气诸毒。炼之久服,轻身增年不老。本经。蚀鼻中息肉,下部蟹疮,身面白驳,散皮肤死肌,及恍惚邪气,杀蜂蛇毒。久服令人脑满。别录。治冷痰劳嗽,血气虫积,心腹痛,癰病,解

毒。时珍。

【发明】〔保升曰〕雌黄法土,故色黄而主脾。〔时珍曰〕雌黄、雄黄同产,但以山阳山阴受气不同分别。故服食家重雄黄,取其得纯阳之精也;雌黄则兼有阴气故尔。若夫治病,则二黄之功亦仿佛,大要皆取其温中、搜肝杀虫、解毒祛邪焉尔。

【附方】旧七,新五。反胃吐食雌黄一分,甘草生半分,为末,饭丸梧子大。以五叶草、糯米煎汤,每服四丸。圣济录。停痰在胃喘息不通,呼吸欲绝。雌黄一两,雄黄一钱,为末,化蜡丸弹子大。每服一丸,半夜时投热糯米粥中食之。济生方。心痛吐水不下饮食,发止不定。雌黄二两,醋二斤,慢火煎成膏,用干蒸饼和丸梧子大,每服七丸,姜汤下。圣惠方。妇人久冷血气攻心,痛不止。以叶子雌黄二两,细研,醋一升,煎浓,和丸小豆大,每服十五丸,醋汤下。圣惠方。小腹痛满天行病,小腹满,不得小便。雌黄末蜜丸,纳尿孔中,入半寸。肘后方。癰疽瘰癧眼暗嚼舌,雌黄、黄丹炒各一两,为末,入麝香少许,以牛乳汁半升熬成膏,和杵千下,丸麻子大。每温水服三五丸。直指方。肺劳咳嗽雌黄一两,入瓦合内,不固济,坐地上,以灰焙之,厚二寸。以炭一斤簇定顶,火煅三分去一,退火出毒,为末,蟾酥和丸粟米大。每日空心杏仁汤下三丸。斗门方。久嗽暴嗽金粟丸:用叶子雌黄一两研。以纸筋泥固济小合子一个,令干,盛药。水调赤石脂封口,更以泥封,待干,架在地上,炭火十斤簇煅。候火消三分之一,去火候冷取出,当如锐面,光明红色。钵内细研,蒸饼丸粟米大。每服三丸、五丸,甘草水服,服后睡良久。胜金方。肾消尿数干姜半两,以盐四钱炒黄成颗,雌黄一两半,为末,蒸饼和丸绿豆大。每服十丸至三十丸,空心盐汤下。圣济录。小便不禁颗块雌黄一两半研,干姜半两,盐四钱同炒姜色黄,为末,水和蒸饼丸绿豆大。每服十丸至二十丸,空心盐汤下之。经验方。乌癰虫疮雌黄粉,醋和鸡子黄调,涂之。圣惠方。牛皮顽癬雌黄末,入轻粉,和猪膏敷之。直指方。

石膏(本经中品)

【释名】细理石别录、寒水石纲目。〔震亨

曰]火煨细研醋调,封丹灶,其固密甚于脂膏。此盖兼质与能而得名,正与石脂同意。〔时珍曰〕其纹理细密,故名细理石;其性大寒如水,故名寒水石与凝水石。同名异物。

【集解】〔别录曰〕石膏生齐山山谷及齐卢山、鲁蒙山,采无时。细理白泽者良,黄者令人淋。〔弘景曰〕二郡之山,即青州、徐州也。今出钱塘县,皆在地中,雨后时时自出,取之如棋子,白澈最佳。彭城者亦好。近道多有而大块,用之不及彼也。仙经不须此。〔恭曰〕石膏、方解石大体相似。而以未破为异。今市人皆以方解代石膏,未见有真石膏也。石膏生于石旁。其方解不因石而生,端然独处,大者如升,小者如拳,或在土中,或生溪水。其上皮随土及水苔色,破之方解,大者方尺。今人以此为石膏,疗风去热虽同,而解肌发汗不如真者。〔大明曰〕石膏通亮,理如云母者上。又名方解石。〔敦曰〕凡使勿用方解石。方解虽白不透明,其性燥。若石膏则出剡州若山县义情山,其色莹净如水精,性良善也。〔颂曰〕石膏今汾、孟、虢、耀州、兴元府亦有之。生于山石上,色至莹白,与方解石肌理形段刚柔绝相类。今难得真者。用时,惟以破之皆作方棱者,为方解石。今石膏中时时有莹澈可爱有纵理而不方解者,或以为石膏,然据本草又似长石。或又谓青石间往往有白脉贯彻类肉之膏肪者,为石膏,此又本草所谓理石也。不知石膏定是何物?今且依市人用方解石尔。〔阎孝忠曰〕南方以寒水石为石膏,以石膏为寒水石,正与汴京相反,乃大误也。石膏洁白坚硬,有墙壁。寒水石则软烂,以手可碎,外微青黑,中有细文。又一种坚白全类石膏,而敲之成方者,名方解石也。〔承曰〕陶言钱塘山中雨后时自出。今钱塘人凿山取之甚多,捣作齿药货用,浙人呼为寒水石,入药最胜他处者。〔宗奭曰〕石膏纷辩不决,未悉厥理。本草只言生齐山、卢山、蒙山,细理白泽者良,即知他处者非石膏也。〔震亨曰〕本草药之命名,多有意义,或以色,或以形,或以气,或以质,或以味,或以能,或以时是也。石膏固济丹炉,苟非有膏,岂能为用?此盖兼质与能而得名。昔人以方解为石膏,误矣。石膏味甘而辛,本阳明经药,阳明主肌肉。其甘也,能缓脾益气,止渴去火,其辛也,能解肌出汗,上行至头,又入太阴、少阳。彼方解石,止有体重质坚性寒而已,

求其有膏而可为三经之主治者焉在哉?〔时珍曰〕石膏有软、硬二种。软石膏,大块生于石中,作层如压扁米糕形,每层厚数寸。有红白二色,红者不可服,白者洁净,细文短密如束针,正如凝成白蜡状,松软易碎,烧之即白烂如粉。其中明洁,色带微青,而文长细如白丝者,名理石也。与软石膏乃一物二种,碎之则形色如一,不可辨矣。硬石膏,作块而生,直理起棱,如马齿坚白,击之则段段横解,光亮如云母、白石英,有墙壁,烧之亦易散,仍硬不作粉。其似硬石膏成块,击之块块方解,墙壁光明者,名方解石也,烧之则姤散亦不烂。与硬石膏乃一类二种,碎之则形色如一,不可辨矣。自陶弘景、苏恭、大明、雷敦、苏颂、阎孝忠皆以硬者为石膏,软者为寒水石,至朱震亨始断然以软者为石膏,而后人遵用有验,千古之惑始明矣。盖昔人所谓寒水石者,即软石膏也;所谓硬石膏者,乃长石也。石膏、理石、长石、方解石四种,性气皆寒,俱能去大热结气;但石膏又能解肌发汗为异尔。理石即石膏之类,长石即方解之类,俱可代用,各从其类也。今人以石膏收豆腐,乃昔人所不知。

【修治】〔敦曰〕凡使,石臼中捣成粉,罗过,生甘草水飞过,澄晒筛研用。〔时珍曰〕古法惟打碎如豆大,绢包入汤煮之。近人因其性寒,火煨过用,或糖拌炒过,则不妨脾胃。

【气味】辛,微寒,无毒。〔别录曰〕甘,大寒。〔好古曰〕入足阳明、手太阴、少阳经气分。〔之才曰〕鸡子为之使。恶莽草、巴豆,马目毒公。畏铁。

【主治】中风寒热,心下逆气惊喘,口干舌焦,不能息,腹中坚痛,除邪鬼,产乳金疮。本经。除时气头痛身热,三焦大热,皮肤热,肠胃中结气,解肌发汗,止消渴烦逆,腹胀暴气,喘咽热,亦可作浴汤。别录。治伤寒头痛如烈,壮热皮如火燥。和葱煎茶,去头痛。甄权。治天行热狂,头风旋,下乳,揩齿益齿。大明。除胃热肺热,散阴邪,缓脾益气。李杲。止阳明经头痛,发热恶寒,日晡潮热,大渴引饮,中暑潮热,牙痛。元素。

【发明】〔成无己曰〕风,阳邪也;寒,阴邪也,风喜伤阳,寒喜伤阴。营卫阴阳,为风寒所伤,则非轻剂所能独散,必须轻重之剂同散之,乃得阴阳之邪俱去,营卫之气俱和。是以大青